

Marmoutier Cartulaire blésois, 100

Nosse debebitis, si qui eritis posteri nostri majoris hujus scilicet habitatores monasterii sancti Martini, Rotbertum quemdam, qui Evam filiam Guinemari de Monte Hildulfi habebat uxorem, vendidisse sancto Martino et nobis sub regimine tunc et nunc agentibus domni abbatis Alberti, prius per manum Hildeberti monachi, III quarteria, et postea per manum Richardi nichilominus monachi, III^{tum} quarterium molendini ejusdem Guinemari de Monte Hildulfi, quem tenebat per ejus filiam, quam habebat, ut dictum est, uxorem, annuente hoc ipsa cum duabus aliis sororibus suis, et III etiam arpennos pratorum, quorum II ad eundem pertinent molendinum, quorumque singuli ad festum S. Georgii III^{or} de censu denarios solvunt. Quam scilicet venditionem auctorizavit Ascelinus vicarius et Raimburgis uxor ejus, et filii eorum Guillelmus atque Guicherius et Ermengardis soror ejusdem Raimburgis uxoris Ascelini, quae ambae fuerant filiae Herbaldi de Villa-gradus, de cujus feuo erat ille molendinus et illa prata. Eandemque Ermengardem habebat tunc idem Ascelinus in tutamentum et in custodiam, cum omnibus quae ei jure hereditario obveniebant. Acceperant itaque pro hac autorizatione a supradicto monacho Ascelinus et uxor ejus solidos VIII, filii eorum singuli singulos porcellos, et Ermengardis illa tunc adhuc parvula porcellam unam, quae post annos plures cum maneret Blesis jam adulta unam itidem porcā ab eodem monacho et solidos III^{or} accepit, suumque rursus auctoramentum toti illi venditioni attribuit, accepto etiam promisso se suumque maritum, si quando nupsisset, et ad nostrum monasterium, etc... Haec eadem auctorizare fecit. Quod actum est anno ab incarnatione Domini M. LXII.

Testibus istis:

De emptione et auctorizationibus supra scriptis.